

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Quæst. 939. Quid & quotuplex sit census.

---

[urn:nbn:de:hbz:466:1-73957](#)

2. Resp. secundò in eo, ex quibus hæc portio defumenda non coveniunt AA. defumendum tantum ex redditibus & fructibus Ecclesiæ unitæ certis, & non ex incertis proventionibus, ut sunt fructus stola, nimirum emolumenta proventionia ex administratione sacramentorum Baptismi, extremæ unctionis, benedictione nuptiarum, introductione puerarum, funeralibus &c. tenent cum communiora Barb. L. 3. Jur. Eccles. univ. c. 6. n. 44. Leo in thes. Eccl. p. 1. c. 31. Pignat. tom. 3. consult. 31. Pith. ad tit. de preben. f. 1. n. 44. & alii apud Reiffenst. b. t. n. 13. ex ea ratione, quod vicario debeatur portio congrua certò sufficiens & ex proventibus Ecclesiæ, quales non sunt jura stola utpote fructus officii & laboris; & ne alijs tales Vicarii occasionem sumant & veluti adigantur non sine nota avaritiae, & quandoque injusticie & simoniæ ad turpiter querendas & directe vel indirecte sollicitandas oblationes & mercedem ex administratione Sacramentorum aliorumque munierum pastoralium. Unde murmurations plebis irreverentia & contemptus sacrorum. Contrarium directe æque probabiliter si non probabilius tenent Gonz. ad Reg. Cancell. in proem. §. 7. n. 185. Guttier Conf. 8. à n. 3. aliqui apud Reiffenst. n. 15. & defumunt ex constit. Bullæ Pii V. ad exequendam (quæ eti revocata dicatur quod parochias unitas monasterii per Bullam Greg. XIII. tamen iterum ab eodem revalidatam etiam quodad regulares, refert Gonz. ad reg. 8. Cancell. gl. 5. §. 3. n. 79.) ubi expresse, quod dicta congrua summa computatis omnibus etiam incertis emolumentis & alijs obventionibus communiter percipi solitis per Episcopos assignari soleant &c. Dum autem dicitur ex omnibus emolumentis intelliguntur etiam ea, quæ intuitu Ecclesiæ seu beneficii acquiruntur. Dum dicitur: per Episcopos assignari soleat: sciendum, quod arbitrium Episcopi in determinatione hujus portio-nis congruae adhiberi alijs solitum, eti per ipsam Bullam Pii V. ita limitetur, ut non nisi inter centum & 50. scuta locum habeat, consideratis considerandis circumstantiis, habenda sit ratio moder-ni temporis, dum hodieum vix centum aut 200. scuta sufficient ad honestam sustentationem Vica-

rii, cum olim tempore, quo edita dicta Bulla, sufficerent centum aut 50. ob mutata rerum pretia. Notandum quod quantitas illa taxata à Pio V. fuerit pro sola persona parochi non item pro capellano & cooperatore simul, si unum vel plures parochianorum vel laborum multitudo exigit, quibus propter specialiter providere tenentur, qui ratione incorporationis seu unionis redditus parochia percipiunt. Ita bene Reiffenst. àn. 21. Dicitur autem ex incertis obventionibus communiter percipi solitis ad excludendas illas obventiones quæ omnino ex libertate populi dependent, nec communiter, nec ut debita, sed raro ab uno altero dari solent, haec enim in congruam portionem computari nequeunt eo ipso, quod rarissimæ & incertissimæ sint. Dum contra recte in eam computari possint ex, quæ communiter, & ut consuetudine debita percipiunt, ita ut à parochio etiam peti possint, ad eas dandas populus ab Episcopo compelli; estque ratio hujus posterioris sententia, quod, ut expressis verbis Pius V. in cit. Bulla §. 2. Ideo beneficia etiam curata fuient unita & incorporata collegiis, capitulo, monasteriis aliquique locis piis, ut honestius & competentius subsistere possent, adeoque inde recipiendo emolumenatum incumbentia illis onera facilis supportent, officiaque & opera ab iis præstat debita peragant. Unde si non nisi fructus certi in portionem congruam computari possent, sive pa-ram aut nihil emulumentum ex beneficiis unitis haberent, ac ita uniones & incorporationes tales frustrarentur fine suo. Ita Reiffenst. b. t. n. 17. Neque dici potest, quod ex incertis haberi non possit congrua certa, qualis esse debet Vicarii. præfertim perpetui constituti in Ecclesiis unitis; cum licet tales obventiones respectu certi & determinati temporis aut quantitatis, tamen ad aliquam saltem certitudinem computatis tribus aut quatuor retro annis reduci posint, ut Vicarius de honesta sua sustentatione moraliter certus esse queat. In qua tamen reductione non debet summa, sed media vel infima quantitas, quæ tribus aut quatuor annis obvenire solita est, computari Reiffenst. n. 20. de congrua hac portione Vicarii plurima vide apud me in foro benef. part. 1. à quest. 123. usque ad quest. 129. Et in Indice V. congrua.

## TITULUS XXXVIII.

### De Jure Patronatus.

**T**itulus hic (ubi etiam de correspondente juri patronatus, præsentatione & Institutione) fuisse & accurate à me tractatus & explicata-

tus in foro benef. part. 2. a quest. 11. ad quest. 197. quo lectorum remitto.

## TITULUS XXXIX.

### De Censibus, Exactionibus & Procurationibus.

**Q**uest. 939. Quid & quotplex fit census.

**R**esp. ad primum: census, præteritis minus usitatis ejus acceptiōibus, sumitur pri-mo, generalissime pro omni eo, quod an-nuatim in certa summa seu quantitate praefatur alteri ut cum Host. in sum. b. t. n. 1. Pith. ibid. n. 1. Secundò magis specialiter pro pensione an-nua, quæ vi contractū, quo res alicui concedi-

tur pleno jure, nimirum translato dominio direc-to & utili in accipientem, reservatur, sive ex fructibus, sive in pecunia, sive in aliqua re æqui-valente præstanda veteri domino Barbol. ad p. 2. b. t. n. 4. Molin. tr. 2. de just. d. 381. n. 2. Tertiò pro annua pensione, quam præstat emphyteuta in recogni-tionem dominii directi, qui & canon appellatur, Pith. l. c. Quartò, pro reditu quem solvit annuatim colonus vel etiam inquilinus ex contractu locatio-nis,

nis, unde & is censuarius dicitur Barbos. l. c. Co-var. l. 4. variar. c. 7. n. 1. Quinto pro tributo quo exigitur à principe, eique pendendum ratione subjectionis, quo sensu accipitur, dum *Marth. 22.* à Christo interrogatur; licetne censem dare Cæsari. & ipse *Marth. 17.* interrogat: Reges terræ, à quo accipiunt tributum vel censem. Sexto pro pensione, quæ solvit ratione subjectionis etiam alicui inferiori à principe absque eo, quod nomen tributi habeat Barb. l. c. ac denique in sensu praesentis *tit.* qui de censibus jam explicatis non agit, accipitur pro pensione, quam solvit Ecclesia vel beneficiatus Episcopo, vel ejus auctoritate alii in recognitionem subjectionis, vel ex alia iusta causa. Potestque definiti aliquantulum explicatiūs, quod sit onus reale vel qualibet pensio annua, quæ ex redditibus seu preventibus Ecclesiæ monasterii aliorumque locorum ex iusta causa solvit Episcopo, vel auctoritate illius alii. Uti sumitur *exc. 2. & c. penult. b. t. & c. 6. de relig. domib.* declaratio hujus definitionis dabitur in sequentibus.

2. Resp. Ad secundum: Dividitur census in tota illa sua latitudine acceptus multisfariam; nimur in reservativum, & consignativum; in realem & personalem; in pecuniarium & fructuarium; in temporalem & perpetuum, in redimibilem & irredimibilem, ut Barb. l. c. n. 5. remittens præcipuū ad Felician, *de censib. l. 1. c. 4. n. ult.* ubi singula membra explicat, dum interim ipse illum dividat in duas tantum species, pro ut nimur authoritate publica vel privata constituitur. Priorem definit, quod sit onus secundum debitum subditorum, aut patrimonii commen-sationem à legitimo magistratu ex iusta causa inducunt. Posteriorem, quod sit certus redditus annuus in re immobili, quæ ad alterum absolue spe-ctat, reservatus, vel alijs legitimè consignatus annuatim vel aliter solvendus ex privata partium dispositione secundum rectam commen-sationem, cuius utriusque descriptionis membra ab eodem explana-ta *an. 6.* Pleraque locum habent in censu ultimo loco seu congruent ad hunc *tit. expicato.* qui alijs dividitur in novum & antiquum, ita ut novus dicatur, qui ab initio non impositus, nec ab aliis Ecclesiæ regulariter solvis solitus, primùm post fundationem aut consecrationem imponitur Ecclesiæ *Hof. b. t. n. 4.* Antiquus, qui ab initio, tempore fundationis aut consecrationis, vel ipso jure debetur. Qui subdividi-tur in temporale & perpetuum; perpetuus quo Ecclesia in perpetuum gravata & obligata manet; temporalis, qui solum ad certum tempus singulis annis ab Ecclesia vel beneficio præstari solet. *Barb. de off. & potest. Episc. alleg. 85. an. 1.*

*Quæst. 940. à quibus census imponi pos-fit?*

1. R Esp. Primo indubiatum est papam posse con-stituere cuivis Ecclesiæ & beneficio censem tam perpetuum quam temporale, & semel imposi-tum augere vel minuere ex iusta causa; eo quod ex plenitudine potestatis possit de beneficio quovis liberè, pro ut ei visum fuerit, disponere juxta *c. 2. de prob. in 6.*

2. Resp. Secundo Episcopus potest ad initium fundationis & consecrationis Ecclesiæ tam pro se quam pro aliis v. g. patronis etiam laicis, dum hi in limine fundationis vel donationis eum cum consensu Episcopi sibi reservarunt, imponere illis censem tam perpetuum quam temporale, ut constat ex *can. 30. can. 18. q. 2.* ubi censem ab initio ab Episcopo impo-situs ei solvi jubetur & *c. 23. de jure pat.* ubi supponi-

*R. P. Leur. Jur. Can. Lib. III.*

tur Episcopum posse constituere censem moderatum pro patrono. Nequit tamen Episcopus aliusve præla-tus papâ inferior pro se aut patrono censem ab initio impositum augere, ut id ipsum expressis verbis prohibetur *c. 7. b. t.* idque etiam, si facultates & redditus Ecclesiæ augeantur, ut *Gl. incit. c. Abb. ibid. num. 3.* cum communī. Ex ea etiam ratione respectu Episco-pi, dum ei censem constituitur in signum subjectionis, utpote quæ etiam per minimum censem recon-gnoscit potest, ut *Abb. Arg. c. 2. b. t.* respectu verò alterius v. g. patroni, quod in contractu censuali do-minium emolumentorum non comprehensorum in eo, translit in Ecclesiam, adeoque huic non alteria au-geantur facultates, ita cum *Abb. l. c. Pirh. h. t. n. 12. Reiffenst. n. 7.* his proinde non obstante, quod alijs pensio, quam quis solvit ratione fructuum perceptorum ex re seu fundo alieno ut conductor vel colo-nus, augeri potest auctis fructibus, non secus, ac ob-damnum accidens in fructibus ea minui potest. Mul-toque minus potest Episcopus aliusve prælatus im-ponere censem novum Ecclesiæ tam sacerularibus quam regularibus, juxta clarum textum *cit. c. 7. & c. 3. b. t. & Clem. I. §. eadem quoque de suppl. negl. prælat.* *Barb. incit. c. 7. n. 2.* *Pirh. b. t. n. 8.* & aliij cum communī. Excipitur tamen casus; dum Episcopus, cum consensu capituli alicui Ecclesiæ concedit ex-emptionem à jurisdictione sua juribusque & oneribus Episcopaliis, cùm tunc remittendo hæc in ali-quam re compensationem dictorum jurium & recognitionem hujus à se concessi privilegi, censem si-bi reservare possit juxta *summarium & textum claram c. 6. de religios. domib.* uti & papa, dum Eccle-siam eximit à jurisdictione Episcoporum censem si-bi aliquem reservare solet. *c. si papa, c. recepimus de privileg.* non tamen hinc sequitur, quod etiam Episcopus, quia liberavit Ecclesiam ex manibus laico-rum, qui v. g. fructus ejus de facto percipiebant, possit eidem in compensationem hujus beneficii novum censem imponere, cùm id ipsum prohibeatur *c. 9. b. t.* eo quod ad hoc tenebatur Episcopus ex officio, secus ac tenebatur eam eximere à juribus Episcopaliis; in eo autem, quod qui necessariò fe-cit seu exercit, non censetur liberalitatem exercere, adeoque nec remuneratio ei debetur, ut *Abb. in cit. c. 9. n. 1.* cum *Gl. ibid. in pr.* ita *Pirh. b. t. n. 13.* Po-test tamen Episcopus ex causa juxta censem non per-petuum, sed temporale personalem novum ad aliquot annos v. g. ad vitam beneficiati imponere Ecclesiæ & beneficiis, quia per hoc non gravatur aucti obligatur Ecclesia, quod solum est prohibitum ut *c. 7. b. t.* sed persona rectius *Abb. in c. 9. de restitut. spol. n. 9.* *Jo. And. in c. probibemus. 7. b. t. n. 1.* *Barb. ibid. n. 3. & de off. & potest. Episc. Alleg. 85. n. 3.* *Pirh. b. t. n. 9.* *Reiffenst. n. 9.* vide dicta de pensio-nibus imponend. benef.

3. Resp. Tertiò rector vel alius beneficiatus non potest super rebus sua Ecclesiæ vel beneficio non so-lum iis, quæ sunt ad cultum & ministerium divinum dicata, sed etiam in bonis temporalibus & immobi-libus, ut sunt domus, vineæ, prædia, constituere censem perpetuum sine debitis solemnitatibus, nempe causâ legitimâ necessitatis vel utilitatis Ecclesiæ, & interveniente auctoritate Episcopi, cum consensu capituli Cathedralis, ita *Pirh. b. t. c. 9.* cum *Abb. in c. 13. b. t. n. 3.* *Arg. c. 8. & c. seq. de his qua siunt à prælat.* & quod ad hoc requiratur auctoritas Episcopi, ha-betur quoque in *c. 8. b. t.* sed neque rector Ecclesiæ aut beneficiatus potest imponere Ecclesiæ aut bene-ficio censem ad vitam, saltem jure novo, ubi recepta est *Extravag. unic. de reb. Eccl. non alien.* ubi prohibi-tur

S 111